



Broj: 05.10-04-31603-131/25  
Sarajevo, 18.11.2025. godine

**Skupština Kantona Sarajevo**  
**n/r Predsjedavajući Skupštine Kantona Sarajevo**

**Predmet: Odgovor na zastupničku inicijativu Sanele Klarić (43) - dostavlja se**  
**Veza: akt Skupštine Kantona Sarajevo broj: 01-04-31603-43/25 od 23.10.2025. godine**

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-31603-43/25 od 23.10.2025. godine sa zastupničkom inicijativom zastupnice u Skupštini Kantona Sarajevo Sanele Klarić na nadležno postupanje.

Zastupnica u Skupštini Kantona Sarajevo, Sanela Klarić, je u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24) uputila zastupničku inicijativu "Da se izrade studije izvodljivosti prava na pitku vodu i javnih česmi u Kantonu Sarajevo".

**Odgovor zastupnici**

Ministarstvo je u potpunosti svjesno značaja obezbjeđivanja dostupnosti pitke vode svim građanima, kao i potrebe za unaprijeđenjem javne infrastrukture koja omogućava kvalitetan, siguran i kontinuiran pristup vodi za piće. Javne česme kao dio komunalne infrastrukture, imaju posebnu važnost u kontekstu zaštite javnog zdravlja, unaprijeđenja urbanog prostora potrebama stanovništva i turista. Pristup pitkoj vodi je jedan od ključnih preduslova za zaštitu javnog zdravlja, unaprijeđenja kvaliteta života stanovništva i održivog korištenja prirodnih resusa. Ova inicijativa je od izuzetne važnosti jer može doprinijeti jačanju institucionalnog okvira, boljem upravljanju vodnim resusima, te definisanju dugoročnih rješenja koja će omogućiti dostupnost pitke vode na području Kantona Sarajevo. Jasno je da je pitka voda danas strateški resurs od kojeg zavisi kvalitet života, zdravlje, ekološka stabilnost i ekonomski napredak.

Također razumijemo Vašu inicijativu da se Vlada Kantona Sarajevo uključi u obezbjeđivanju potrebnih finansijskih sredstava za izradu predmetnih studija.

Ministarstvo će u toku trajanja javne rasprave Nacrta Budžeta Kantona Sarajevo za 2026.godinu (koja je u toku) predložiti navedenu inicijativu i istu uputiti Ministarstvu finansija Kantona Sarajevo.

S poštovanjem

Mladen [REDACTED] arević

Dostaviti:

1. Naslovu.
2. Stručnoj službi Vlade Kantona Sarajevo - na znanje,
3. Koordinator izrade odgovora na zastupnička pitanja / inicijative - na znanje,
4. Evidencija,
5. Arhiva.